

卷之三

重纂庾開府集序



庾子山非虫英梁世為高髻

大袖於四方既入周如雞

羣之鶴渚云務沉峰時聞

孤唳並時才士均三困憑而

趨者南惟孝穆北則子淵

安政七



差堪顏行實還流亞耳  
蓋嘗下上六朝人罕眠綺  
合子山晚出而極變以測  
景探蹟以啓疆陶鑄性產  
集其大成郁々文裁於斯  
觀止之孤德業爲子山作  
傳論橫加詆訶德業史筆  
取下未中與庾氏作奴所  
謂局促窮蹙而薄力建章  
之子門萬石也子山寵遇日  
隆與滕趙諸王申布衣之  
雅乃鄉闈之思頻騰浩悅

讀哀江南賦有足悲者視  
彼市朝曉更頓忘身世之  
易位而踰淮遽化登枝乍  
捐相去顧不遠哉舊刻開  
府集亥豕特甚諸體多闕  
因為參錯諸選本細較之

為補其未備用成金豹舊刻  
彭城夫人及伯母東平夫人  
二墓文蓋楊盈川筆也癸  
人誤收而淺人沿之冒署子  
山名入選大誤觀者今為刪  
去贗鼎既刷真幟乃益珍

方高壇矣

天啓元年重九日霏雲主人張燮書于群玉樓



虞開府集序

滕王宇文道撰

蓋聞五聲調應則宮徵成其文八音克諧則絃管和其韻所以周南召南之篇爲風人之首小雅大雅之作寔王政之由復有陽春白雪之唱郢中之曲彌高秋風黃竹之詞伊上之才尤盛遂能弘孝敬叙人倫移風俗化天下兼夫吟詠情性沉鬱文章者可畧而言也開府司宗中大夫義城公庾信字子山南陽新野人也若夫有

周之昔掌庾源其得姓皇晉之代大尉闡其宗譜  
鳥奕氤氳布在方冊國史家謀世並詳焉八世祖  
滔散騎常侍領大著作遂昌縣侯祖易徵士隱遁無  
悶確乎不拔宋終齊季早擅英聲父肩吾散騎常侍  
中書令文宗學府智囊義窟鴻名重譽獨步江南信  
降山岳之隆緼煙霞之秀妙善文詞尤工詩賦誅奪  
安仁之美碑有伯喈之情箴似揚雄書同阮籍綺年而  
播華譽齟齬歲而有俊名孝性自然仁心獨秀忠爲  
令德言及

文詞穿壁未勤映螢逾甚若乃德暉兩禮韓魯四詩  
九流七略之文萬卷百家之說名山海上海上金匱  
玉版之書魯壁魏墳縹帙緗囊之記莫不窮其枝葉  
誦其篇簡豈止仲任一見之敏世叔五行之速年十五  
侍梁東宮講讀雖桓麟十四之歲答宿客之詩魯連十二  
之年杜離堅之辨匪或斯尚同日語哉玉墀射策高等  
甲科公孫金馬之昔仲舒鴻漸之日未能連類曾何足  
云解褐授安南府行參軍尺木未階高衢方騁尋

轉尚書度支郎中夜不離閣無愧於黃香開霧  
覩天真同於樂廣仍爲郢州別駕刺史之半驥  
足斯展於岢江路有賊梁先主使信與湘東王  
論中流水戰事醜徒聞其名德遂卽散奔深爲  
梁主所賞蓋善戰者不陣此之謂乎兼通直常  
侍使于魏土接對有才辨雖子貢之旗鼓陳說  
仲山之專對智謀無以加也還本國爲正員郎  
職位清顯以望以實又爲東宮領直春官兵馬  
並受節度龍樓蘭錡寵寄逾隆值侯景篡逆攻

圍淮海建康宮殿非無流矢之兵丹陽帝昶遂  
有生荆之痛出往上流來歸全楚於岢州后卽  
湘東王封豕旣誅長蛇受戮湘東有雪耻之功  
淮海有勤王之旅同少康之復夏若太戊之紹  
殷卽於荆江驟置文物復爲梁後主蕭繹御史  
中丞中興司直具瞻斯在貴戚斂手豪族屏氣  
遷散騎常侍右衛將軍豐貂右珥戎章再徙阮  
籍非好之職鄭默叅乘之官著德廊廟切問近  
對拜武康縣開國侯開國承家信圭是執河帶

山礪貽厥于后卽以本官奉使大國光華重出  
原隰再來太祖夾輔魏朝作相關右三分有二  
九合一匡德邁晉宣雄逾魏武功高網地道映  
在田一見子山賜識如舊屬我太祖獻策魏帝  
命將荆衡尋值本朝青蓋入洛於是捨節入仕  
乃沐霸恩改授使持節車騎大將軍儀同三司  
戎號光隆比儀台鉉高官美宦有踰舊國又遷  
驃騎大將軍開府義成公王沉晉代始授此榮  
黃權魏岑首膺斯命降在季世秩居上品爵爲

五等榮貴兩朝出爲弘農郡守職實剖符寄深  
分竹佩犢帶牛有侔龔遂棗枝麥穗無謝張堪  
入爲司憲中大夫帥掌三勅之法助宣五禁之  
書秋府得人於斯爲盛出爲洛州刺史德茂褰  
帷才膺刺舉吏不敢賄人不忍欺上洛童兒如  
迎郭伋商山故老似值劉弘復爲司宗中大夫  
總轄禮府佐治春卿辨九拜之儀教六詩之義  
自梁朝筮仕周世驅馳至今歲在屠維龍居淵  
獻春秋六十有七齒雖耆宿文更新竒才子詞



人莫不師教王公名貴盡爲虛襟加以冥心資  
敬篤信天倫孝實人師刑推士則愠喜不形于  
色忠恕不離于懷矜簡儼然師心獨往似陸機  
之愛弟若韓康之養甥環堵之間怡怡如也太  
祖所知江陵名士惟信而已綢繆神遇造次推  
恩明帝守文偏加引接武皇英主彌相委寄密  
勿王事多歷歲年自携老入關亟移灰琯蒸蒸  
色養勤同扇席及丁母憂杖而後起病不勝哀  
青鸞降窟樹之祥白雉有依欄之感晉國公廟

期受托爲世賢輔見信孝情毀至每自憫嗟嘗  
語人曰庾信南人羈士至孝天然居喪過禮殆  
將滅性寡人一見遂不忍看其至德如此昔在  
陽都有集十四卷值太清罹亂百不一存及到  
江陵又有三卷卽重遭軍火一字無遺今之所  
撰止入魏已來爰洎皇代凡所著述合二十卷  
分成兩帙余與子山風期欵密情均縞紵契比  
金蘭欲余製序聊命翰札幸無愧色非有絢章  
方當貽範縉紳懸諸日月焉

此序參校諸本  
與他刻不同



春賦

七夕賦

蕩子賦

竹杖賦

邛竹杖賦

象戲賦

鏡賦

燈賦

對燭賦

枯樹賦

鴛鴦賦

卷之三

樂府

周祀園丘歌十二首

昭夏 降神

皇夏 皇帝入門

昭夏 組入

昭夏 奠玉帛

皇夏 皇帝升壇

雲門舞 初獻

雲門舞 初獻配帝

登歌 初獻及獻配帝畢奏

皇夏 飲福酒

雍夏 撤奠

皇夏 就望燎位

皇夏 還便殿

周祀方澤歌四首

昭夏 降神

昭夏 奠玉帛

登歌 初獻

皇夏 望坎位

周祀五帝歌十二首

皇夏 奠玉帛

皇夏 初獻

青帝雲門舞 以下並初獻奏

配帝舞

赤帝雲門舞

配帝舞

黃帝雲門舞

配帝舞

白帝雲門舞

配帝舞

黑帝雲門舞

配帝舞

周宗廟歌十二首

皇夏 皇帝入廟門

昭夏 降神

皇夏 祖入帝階

皇夏 獻皇高祖

皇夏 獻皇曾祖德皇帝

皇夏 獻皇祖太祖文皇帝

皇夏 獻文宣皇太后

皇夏 獻閔皇帝

皇夏 獻明皇帝

皇夏 獻高祖 武皇帝

皇夏 飲福 酒

皇夏 還便 殿

周大裕歌二首

昭夏 降神

登歌 奠玉 帛

周五聲調曲二十四首 有序

宮調曲五首

變宮調二首

商調曲四首

角調曲二首

徵調曲六首

羽調曲五首

卷之四

樂府

對酒歌

昭君辭應詔

王昭君

出白薊北門行

結客少年場行

道士步虛詞十首

烏夜啼

怨歌行

舞媚娘

烏夜啼

燕歌行

楊柳歌

詩

奉和泛江

奉和山池

梁簡文帝山池附

陪駕幸終南山和宇文內史

宇文昶陪駕幸終南山附

和宇文內史春日遊山

遊山

和宇文京兆遊田

奉報寄洛州

奉和窮秋寄隱士

上益州上柱國趙王二首

謹贈司寇淮南公

正旦上司憲府

任洛州酬薛文學見贈別

將命至鄴

將命至鄴酬祖正員

入彭城館

同州還

從駕觀講武

奉報趙王出師在道賜詩

和趙王送峽中軍

奉和趙王途中五韻

侍從徐國公殿下軍行

同盧記室從軍

奉盧思道從軍附

伏聞遊獵



見征客始還遇獵

奉和闡弘二教應詔

至老子廟應詔

奉和趙王遊仙

奉和同泰寺浮圖

簡文帝望同泰寺浮圖附

奉和法筵應詔

和從駕登雲居寺塔

和何儀同講竟述懷

奉和趙王隱士

擬咏懷二十七首

卷之五

詩

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

簡文帝詠舞二首附

夜聞搗衣

預麟趾殿校書和劉儀同

和宇文內史入重陽閣

忝在司水看治渭橋

王褒和庾司水修渭橋附

北園新齋成應趙王教

同會河陽公新造山池聊得寓目

登州中新閣

歲晚出橫門

北園射堂新成

園庭

歸田

寒園卽目

幽居值春

卧疾窮愁

山齋

望野

蒙賜酒

奉報趙王惠酒

有喜致醉

喜晴應詔

同顏大夫初晴

奉和趙王喜雨

和李司錄喜雨

郊行值雪

奉和趙王西京路春日

奉和夏日應令

和樂儀同苦熱

和裴儀同秋日

詠園花

西門豹廟

和王少保遙傷周處士

傷王司徒褒

仰和何僕射還宅懷故

送灵法師墓

和人日晚景宴昆明池

對宴齊使

聘齊秋晚館中飲酒

奉和瀟池初成清晨臨泛

和灵法師遊昆明池二首

見遊春人

別周尚書弘正

別張洗馬樞

別庾七入蜀

將命使北始渡瓜步江

及命河朔始入武州

冬狩行四韻連句應詔

和王內史從駕狩

入道士館

奉和永豐殿下言志十首

卷之六

詩

率爾成詠

慨然成詠

奉和賜曹美人

和趙王看妓

奉荅賜酒

奉荅賜酒

正旦蒙趙王賚酒

衛王贈桑落酒奉荅

就蒲州使君乞酒

蒲州刺史中山公許乞酒一車未送

荅王司空餉酒

舟中望月

望月

對雨

喜晴

詠春近餘雪應詔

奉和初秋

簡文帝初秋附

晚秋

秋潁川公秋夜

詠畫屏風詩一十五首

鏡

梅花

詠樹

鬪雞

應令

杏花

集周公處連句

寄徐陵

寄王琳

奉和趙王

和劉儀同臻

和庾四

和侃法師三絕

送周尚書弘正二首

重別周尚書二首

贈別

徐報使來止得一相見

行途賦得四更應詔

和江中賈客

奉和平鄴應詔

送衛王南征

仙山二首

山齋

野步

山中

閨怨

和趙王看妓

看舞

聽歌

暮春野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞絃斷

弄琴二首

詠羽扇

題結綫袋子

賦得鸞臺

賦得集池鴈

詠鴈

忽見檳榔

賦得荷

移樹

奉梨

傷往二首

春日離合二首

和湘東王後園迴文

梁元帝後園迴文附

問疾示封中錄

示封中錄二首

秋夜望單飛鴈



代人傷往二首

卷之七

表

賀傳位皇太子表

賀平鄴都表

賀新樂表

請功臣襲封表

爲杞公讓宗師驃騎表

爲閻大將軍乞致仕表

代人乞致仕表

爲晉陽公進玉律秤尺斗升表

進象經賦表

齊王進蒼烏表

齊王進白兔表

齊王進赤雀表

卷之八

啓

謝滕王集序啓

謝周明帝賜絲布等啓

答趙王啓

謝趙王示新詩啓

謝趙王賚絲布等啓

謝趙王賚絲布啓

又謝趙王賚息絲布啓

謝趙王賚犀帶等啓

謝滕王賚巾啓

謝趙王賚白羅袍袴啓

謝趙王賚米啓

謝趙王賚乾魚啓

謝趙王賚雉啓

謝趙王賚馬并織啓

謝滕王賚馬啓

謝滕王賚猪啓

書

爲梁上黃侯世子與婦書

移文

移齊河陽執事文

又移齊河陽執事文

移虜留使文

教

答移市教

連珠

擬連珠四十四首

卷之九

序

趙國公集序

碑

陝州弘農郡五張寺經藏碑

温湯碑

銘

秦州天水郡麥積崖佛龕銘 有序

終南山義谷銘 有序

思舊銘 有序

東宮玉帳山銘

梁東宮行雨山銘

吹臺山銘

至仁山銘

望美人山銘

明月山銘

刀銘三首

贊

自古聖帝名賢贊二十七首

黃帝見廣成子

堯登壇受圖

舜舞干戚

禹渡江

湯解祝網

文王見呂尚

武丁迎傳說

成王刻桐葉封虞

漢高祖置酒沛宮

漢武帝聚書

袁盎諫文帝

朱雲折檻

周公戒伯禽

五月披裘負薪

王祥叩冰魚躍

孫叔敖逢蛇

高鳳好書不知流麥

張良遇黃石公

師尚父授丹書

樂啓期三樂

夫子見程生

鉏麇見趙盾

蔡澤就唐生相

李陵蘇武別

樊噲見項王

秦穆公飲盜駿馬

延陵季子遇徐君

鶴贊

有引

卷之十

神道碑

周上柱國齊王憲神道碑

周太子太保步陸逞神道碑

周大將軍司馬裔神道碑

卷之十一

神道碑

周柱國大將軍長孫儉神道碑

周柱國大將軍紇于弘神道碑

周大將軍崔詵神道碑

卷之十二

神道碑

周車騎將軍賀婁慈神道碑

周上柱國宿國公河州都督辛威神道

碑

周交州刺史廣饒公鄭常神道碑

周隴右總管長史贈少保豆盧永恩神

道碑

卷之十三

神道碑

周柱國大將軍大都督同州刺史段永  
神道碑

周柱國楚國公岐州刺史慕容寧神道  
碑

傳

周使持節大將軍廣化郡開國公丘乃  
敦崇傳

卷之十四

墓誌銘

周大將軍聞喜公柳霞墓誌銘

周大將軍襄城公鄭偉墓誌銘

周大將軍瑯琊定公司馬裔墓誌銘

周大將軍上開府廣饒公鄭常墓誌銘

周大將軍義興公蕭太墓誌銘

卷之十五

墓誌銘

周大將軍懷德公吳明徹墓誌銘

周大將軍幽國公趙廣墓誌銘

周驃騎大將軍開府侯莫陳道生墓誌銘

周車騎大將軍贈小司空宇文顯和墓誌銘

卷之十六

墓誌銘

周譙國公夫人步陸孤氏墓誌銘

周趙國公夫人紇豆陵氏墓誌銘

周安昌公夫人鄭氏墓誌銘

周大將軍隴東郡公侯莫陳君夫人寧

氏墓誌銘

周冠軍公夫人烏石蘭氏墓誌銘

周太傅鄭國公夫人鄭氏墓誌銘

後魏驃騎將軍荊州刺史賀拔夫人元

氏墓誌銘

周大都督陽林伯長孫夫人羅氏墓誌



銘

周儀同松滋公拓跋夫人尉遲氏墓誌

銘

周驃騎大將軍冠軍伯柴夫人李氏墓

誌銘

附錄

庾信傳

唐令狐德棻

秋日別庾正員

陳徐陵

遺事

集評

糾謬彭城公夫人爾朱氏墓誌銘  
伯母東平郡夫人李氏墓誌銘

三月三日

庾開府集卷之一

周新野庾信子由著

明閩漳張燮紹和纂

賦

三月三日華林園馬射賦

有序

臣聞堯以仲春之月刻玉而遊河舜以甲子之朝披圖而巡洛夏后瑤臺之上或御二龍周王玄圃之前猶驂八駿我大周之創業也南正司天北正司地平九黎之亂定三危之罪雲紀御

官鳥司從職皇王有秉歷之符玄珪有成功之  
瑞豈直天地合德日月光華而已哉皇帝以上  
聖之姿膺下武之運通乾象之靈啟神明之德  
夷典秩宗見之三禮夔爲樂正聞之九成克已  
備於禮容威風總於戎政加以卑躬菲食阜帳  
綈衣百姓爲心四海爲念西郊不雨卽動皇情  
東作未登彌廻天眷兵革無會非有待於丹鳥  
宮觀不移故無勞於白鷺銀瓮金船山車澤馬  
豈止竹箬兩草共垂甘露青赤一氣同爲景星

雕題鑿齒識海水而來王鳥戈黃皮驗東風而  
受吏于時玄鳥司曆蒼龍御行羔獻冰開桐華  
萍合皇帝幸於華林之園玉衡正而泰階平閭  
闔開而勾陳轉千乘雷動萬騎雲屯落花與芝  
蓋同飛楊柳共春旗一色乃命羣臣陳大射之  
禮雖行袞襖之飲卽同春蒐之儀止立行宮裁  
舒帳殿階無玉璧旣異河間之碑戶不金鋪殊  
非許昌之賦洞庭旣張承雲乃奏騶虞九節狸  
首七章正飾五彩之雲壺寧百福之酒唐弓九

合冬幹春膠夏箭三成青莖赤羽于是選朱汗  
之馬校黃金之埒紅陽飛鵲紫鸞晨風唐成公  
之驪驪海西侯之千里莫不飲羽御竿吟猿落  
鴈鐘鼓震地埃塵漲天酒以疊行餽由鼎進綵  
則錦市俱移錢則銅山合徙太史聽鼓而論功  
司馬張旃而賞獲上則雲布雨施下則山藏海  
納實天下之至樂景福之歡欣者也旣若木將  
低金波欲上天顧惟穆賓歌惟醉雖復暫離北  
闕聊宴西城卽同鄴水之朝更是岐山之會小  
臣不舉奉詔爲文以管窺天以蠡酌海盛德形  
容豈陳梗槩

歲次昭陽月在大梁其日上巳其時少陽春史  
司職青祗效祥徵萬騎於平樂開千門於建章  
屬車醜酒複道焚香皇帝翊四圍於帝閑廻六  
龍於天苑對宣曲之平林望甘泉之長坂華蓋  
平飛風鳥細轉路直城遙林長騎遠帷宮宿設  
帳殿開筵傍臨細柳斜界宜年開鶴列之陣靡  
魚鬚之旃行漏抱刻前旌載鸞河湄薤草渭口

虜陽府集 卷一  
澆泉朔雲五色的暈重圓陽管旣調春絃實撫  
搃章協律成均樹羽翔鳳爲林靈芝爲圃草御  
長帶桐垂細乳鳥嘯歌來花濃雪聚玉律調鐘  
金鐔節鼓於是咀銜拉鐵逐日追風并試長楸  
之埒俱下蘭池之宮鳴鞭則汗赭入埒則塵紅  
旣觀賢於大射乃頌政於司弓變三驅而盡鹿  
登百尺而懸熊繁弱振地鐵驪蹋空禮正六耦  
詩歌九節七札俱穿五犯同穴弓如明月對朔  
馬似浮雲向埒鴈失羣而行斷猿求林而路絕

控玉勒而搖星跨金鞍而動月乃有六郡良家  
五陵豪選新廻馬邑之兵始罷龍城之戰將軍  
戎服來參武讌帶尚流星乘猶奔電始聽鼓而  
唱籌卽移竿而標箭馬噴沾衣塵驚灑面石堰  
水而澆園花乘風而繞殿熊耳刻杯飛雲畫壘  
水衡之錢山積織室之錦霞開司筵賞至酒正  
杯來至樂則賢乎秋水歡笑則勝上春臺旣而  
日下澤宮筵闌相圍悵徙蹕之畱歡眷廻鑾之  
餘舞欲使石梁銜箭銅山飲羽橫弧於楚水之

蛟飛鏃於吳亭之虎况復恭已無爲南風在斯  
非有心於蜨翼豈畱情於戟枝唯觀揖讓之禮  
蓋取威雄之儀

哀江南賦

有序

粵以戊辰之年建亥之月大盜移國金陵瓦解  
余乃竄身荒谷公私塗炭華陽奔命有去無歸  
中興衢銷窮於甲戌三日哭於都亭三季囚于  
別館天衢周星物極不反傳爨之但悲身世無  
處求生袁安之每念王室自然流涕昔桓君山

之志士杜元凱之平生並有著書成能自序濟  
岳之文彩始述家風陸機之詞賦先陳世惠信  
季始三毛卽逢喪亂藐是流離至于暮齒燕歌  
遠別悲不自勝楚老相逢泣將何及畏南山之  
雨忽踐秦庭讓東海之濱遂飡周粟下亭漂泊  
高橋羈旅楚歌非取樂之方魯酒無忘憂之用  
追爲此賦聊以記言不無危苦之詞唯以悲哀  
爲主日暮途遠人間何世將軍一去大樹廳零  
壯士不還寒風蕭瑟荆璧睨柱受連城而見欺

載書橫階捧珠盤而不定鍾儀君子入就南冠  
之囚季孫行人畱守西河之館申包胥之頓地  
碎之以首蔡威公之淚盡加之以血釣臺移柳  
非玉關之可望華亭鶴唳非河橋之可聞孫策  
以天下爲三分衆纔一旅項籍用江東之子弟  
人唯八千遂乃分裂山河宰割天下豈有百萬  
義師一朝卷甲芟夷斬伐如草木焉江淮無涯  
岍之阻亭壁無藩籬之固頭會箕歛者合從締  
交鋤耨棘矜者因利乘便將非江表王氣終於  
三百年乎是知併吞六合不免軼衛之災混一  
車書無救平陽之戩嗚呼山嶽崩頽旣履危亡  
之運春秋迭代必有去故之悲天意人事可以  
悽愴傷心者矣况復舟楫路窮星漢非乘槎可  
上風飈衢阻蓬萊無可到之期窮者欲達其言  
勞者須歌其事陸士衡聞而撫掌是所甘心張  
平子見而陋之固其宜矣

我之掌庾承周以世功而爲族經邦佐漢用論  
衢而當官稟嵩華之玉石潤河洛之波瀾居負

洛而重世邑臨河而晏安逮永嘉之艱虞始中原之乏主民枕倚於墻壁路交橫於豺虎值五馬之南奔逢三星之東聚彼凌江而建國始播遷於吾祖分南陽而賜田裂東嶽而胙土誅茅宋玉之宅穿徑臨江之府水木交運山川崩竭家有直術人多全節訓子見於純深事君彰於義烈新楚有生祠之廟河南有胡書之碣况乃少微真人天山逸民階庭空谷門巷蒲輪移譚講樹就簡書筠降生世惠載誕貞臣文詞高於

甲觀模楷盛於漳濱嗟有術而無鳳歎非昔而有麟既姦回之曩匿終不悅於仁人王子洛濱之歲蘭成射策之季始含香於建禮仍矯翼於崇賢遊滄雷之講肆齒明離之胄筵既傾蠶而酌海遂側管以窺天方塘水白釣渚池圓侍戎韜於武帳聽雅曲於文絃乃解懸而通籍遂崇文而會武居笠轂而掌兵出蘭池而典午論兵於江漢之君拭玉於西河之主於時朝埜歡娛池臺鐘鼓里爲冠蓋門成鄒魯連茂苑於海陵



跨橫塘於江浦東門則鞭石成橋南極則鑄銅  
爲柱橘則園植萬株竹則家封千戶西費浮玉  
南琛沒羽吳歛越唵荆豔楚舞草木之藉陽春  
魚龍之逢風雨五十季中江表無事王歛爲蘇  
親之侯班超爲定遠之使馬武無預於甲兵馮  
唐不論於將帥豈知山嶽闔然江湖潛沸漁陽  
有閭左戍卒離石有將兵都尉天子方刪詩書  
定禮樂設重雲之講開士林之學譚刼燼之灰  
飛辯常星之夜落地平魚齒城危獸角卧刁斗  
于滎陽絆龍媒於平樂宰衡以干戈爲兒戲搢  
紳以清譚爲廟略乘漬水以膠船馭奔駒以朽  
索小人則將及水火君子則方成猿鶴樊篲不  
能救塩池之鹹阿膠不能止黃河之濁旣而魴  
魚頰尾四郊多壘殿狎江鷗宮鳴埜雉湛盧去  
國餘艗失水見被髮于伊川知百季而爲戎矣  
彼姦逆之熾盛久遊魂而放命大則有鯨有鯢  
小則爲梟爲獍負其牛羊之力肆其水草之性  
非玉燭之能調豈璿璣之可正值天下之無爲

尚有欲于羈糜飲其琉璃之酒賞其虎豹之皮  
見胡柯於大夏識鳥旆於條支豺牙密厲虺毒  
潛吹輕九鼎而欲割關三川而遂窺始則王子  
召戎姦臣介冑既宣政而離邊遂師言而泄漏  
望廷尉之逋囚反淮南之窮寇出狄泉之蒼鳥  
起橫江之困獸地則石鼓鳴山天則金精動宿  
北關龍吟東陵麟鬪爾乃桀黠橫扇馮陵畿甸  
擁狼望於黃圖填廬山於赤縣青袍如草白馬  
如練天子履端廢朝單于長圍高宴兩觀當戟

千門受箭白虹貫日蒼鷹擊殿竟遭夏臺之斃  
終眎堯城之變官守無奔問之人干戚非平戎  
之戰陶侃則空裝米船顧榮則虛搖羽扇將軍  
死綏路絕重闈烽隨星落書逐鳶飛遂乃韓分  
趙裂鼓卧旂折失羣班馬迷輪亂轍猛士嬰城  
謀臣卷舌昆陽之戰象走林常山之陣虵奔穴  
五郡則兄弟相悲三州則父子離別護軍慷慨  
忠能死節二世爲將終於此滅濟陽忠壯身參  
末將兄弟三人義聲俱唱主辱臣死名存身喪

敵人歸元三軍悽愴尚書多算守備是長雲梯  
可拒地衝能防有齊將之閉壁無燕師之卧墻  
大事去矣人之云亡甲子奮發勇氣咆勃寔總  
元戎身先士卒胄落魚門兵填馬窟屢犯通中  
頻遭刮骨功業天枉身名埋沒或以隼翼鷃披  
虎威狐假沾漬鋒鏑脂膏原埜兵弱虜強城孤  
氣寡聞鶴唳而虛驚聽胡笳而淚下拒神亭而  
亡戟臨橫江而棄馬崩于鉅鹿之沙碎于長平  
之瓦於是桂林顛覆長洲麋鹿潰潰沸騰茫茫  
攀躓天地離阻人神慘酷晉鄭靡依魯衛不睦  
競動天關爭迴地軸探雀殼而未飽待熊蹯而  
詎熟乃有車側郭門筋懸廟屋鬼同曹社之謀  
人有秦庭之哭爾乃假刻璽於關塞稱使者之  
訓對逢鄂坂之譏嫌值彰門之征稅乘白馬而  
不前策青驃而轉礙吹落葉之扁舟颺長風于  
上遊彼鋸牙而鈎爪又巡江而習流排青龍之  
戰艦鬪飛鷲之船樓張遼臨於赤壁王濬下于  
巴丘乍風驚而射火或箭重而回舟未辯聲于

黃蓋已先沉於杜侯落帆黃鶴之浦藏船鸚鵡  
之洲路已分于湘漢星猶看於斗牛若乃陰陵  
失路釣臺斜趣望赤岬而沾衣艤烏江而不渡  
雷池柵浦鵠陵焚戍旅舍無烟巢禽失樹謂荆  
衡之杞梓庶江漢之可恃淮海維揚三千餘里  
過漂渚而寄食託蘆中而渡水屈於七澤濱於  
十苑嗟天保之未定見殷憂之方始本不達于  
危行又無情于祿仕謬掌衛之中軍誤尸丞之  
御史信生世等於龍門辭親同於河洛奉立身

之遺訓受成書之顧託昔三世而無慙今七葉  
而始落泣風雨于梁山惟枯魚之銜索入欹斜  
之小徑掩蓬藿之荒扉就汀洲之杜若待蘆葦  
之單衣於昔西楚霸王劍及繁陽鏖兵金匱校  
戰玉堂蒼鷹赤雀鍊舳牙樯沉白馬而誓衆負  
黃龍而渡江海潮迎艦江萍送王戎車屯於石  
城戈船掩乎淮泗諸侯則鄭伯前驅盟主則荀  
瑩暮至剖巢燠穴奔臚走魅埋長狄於駒門斬  
蚩尤于中冀然腹爲燈飲頭爲器直虹貫壘長

星屬地昔之虎據龍蟠加以黃旂紫氣莫不隨  
狐兔而窟穴與風塵而殄悴西瞻博望北臨玄  
圃月榭風臺池平樹古倚弓於玉女窻扉繫馬  
於鳳凰樓柱仁壽之鏡徒懸茂陵之書空聚若  
夫立惠立言謨明寅亮聲超於繫表衛高於河  
上更不遇于浮丘遂無言於師曠捐愛子而托  
人知西陵而誰望非無北闕之兵猶有靈臺之  
仗司徒之表裏經綸狐偃之惟王寔勤橫琫戈  
而對霸王執金鞭而問賊臣平吳之功壯於社

元凱王室是賴深于溫太真始則地名全節終  
則山稱枉人南陽校書去之已遠上蔡逐獵知  
之何晚鎮北之負譽矜前風颺凜然水神遭箭  
山靈見鞭是以螫熊傷馬浮蛟沒鳶才子併命  
俱非百年中宗之夷凶靖亂大雪寃耻去代邸  
而承基遷唐郊而纂祀反舊章於司隸歸餘風  
於正始沉猜則方逞其欲藏疾則自矜於已天  
下之事沒焉諸侯之心搖矣旣而齊交北絕秦  
患西起况背關而懷楚冀端委而開吳驅綠林

之散卒拒驪山之叛徒營軍梁澆蒐乘巴渝問  
諸淫昏之鬼求之馱効之巫荆門遭廩延之戮  
夏口濫達泉之誅菽因親以教愛忍蘇樂於變  
張旣無謀於肉食非所望於論都未深思於五  
難先自擅於三端登陽城而避險卧砥柱而求  
安旣言多於忘刻寔志勇而刑殘俱坐觀於肯  
變本無情於急難地惟黑子城猶彈丸其怨則  
贖其盟則寒豈冤禽之能塞海非愚叟之可移  
山况以沴氣朝浮妖精夜殞赤烏則三朝夾日  
蒼雲則七重圍軫亡吳之歲旣窮入郢之季斯  
盡周含鄭怒楚結秦冤有南風之不競值西隣  
之責言俄而梯衝亂舞冀馬雲屯棧秦車于暢  
轂沓漢鼓於雷門下陳倉而連弩渡臨晉而橫  
船雖復楚有七澤人稱三戶箭不麗於六麋雷  
無驚於九虎辭洞庭兮落木去涪陽兮極浦熾  
火兮焚旗貞風兮害蠱乃使玉軸揚灰龍文斫  
桂下江餘城長林故營徒思箝馬之秣未見燒  
牛之兵章慢支以轂走宮之奇以族行河無冰

而馬渡關未曉而雞鳴忠臣解骨君子吞聲章  
華望祭之所雲夢僞遊之地荒谷縊於莫敖冶  
父囚於羣帥劓穿摺拉鷹鷂批攢寃霜夏零憤  
泉龜沸城崩杞嬭之哭竹染湘妃之淚水毒秦  
涇山高趙陁十里五里長亭短亭饑隨螿鷲閣  
逐流螢秦中山黑關上泥青於昔瓦解冰泮風  
飛電散渾然千里淄澠一亂雪暗如沙冰橫似  
岸逢赴洛之陸機見離家之王粲莫不聞隴水  
立向關山而長嘆况復君在交河妾在清

波石望夫而逾遠山望子而逾多才人之憶代  
郡公主之去清河榻揚亭有離別之賦臨江王  
有愁思之歌別有颺颺武威羈旅金微班超生  
而望返温序死而思歸李陵之雙鳧永去蘇武  
之一鴈空飛若江陵之中否乃金陵之馘始雖  
借人之外力寔蕭牆之內起撥亂之主忽焉中  
興之宗不祀伯兮叔兮同見戮於猶子荆山鵲  
飛而玉碎隨岬虵生而珠死鬼火亂於平林殤  
魂遊於新市梁故豐徙楚寔秦亡不有所廢其

何以昌有媯之後將育于姜輸我神器居爲讓  
王天地之大惠曰生聖人之大寶曰位用無賴  
之子弟舉江東而全棄惜天下之一家遭東南  
之反氣以鶉晉而賜秦天何爲而此醉且夫天  
衢廻旋生民預焉余烈祖於西晉始流播於東  
川洎余身而七葉又遭岢而北遷提挈老幼關  
河累年死生契濶不可問天况復零落將盡靈  
光歸然日窮於紀歲將復始逼切危慮端憂暮  
齒踐長樂之神臯望宣平之貴里渭水貫於天  
門驪山廻於地市幕府大將軍之愛子丞相平  
津侯之待士見鐘鼎於金張聞絃歌於許史豈  
知灞陵夜獵猶是故岢將軍咸陽布衣非獨思  
歸王子

傷心賦

有序

余五福無徵三靈有譴至於繼體多從夭折二  
男一女並得勝衣金陵喪亂相繼亡歿羈旅關  
河倏然白首苗而不秀頻有所悲一女成人長  
孫孩稚奄然玄壤何痛如之旣傷卽事追悼前



亡唯覺傷心遂以傷心爲賦若夫入室生光非  
復企及夾河爲郡前途逾遠婕妤有自傷之賦  
揚雄有哀祭之文王正長有北郭之悲譙安石  
有東山之恨豈期然矣至若曹子建王仲宣傳  
長虞應德璉劉韜之母任延之親書翰傷切文  
詞哀痛千悲萬恨何可勝言龍門之桐其枝已  
折卷菴之草其心寔傷嗚呼哀哉賦曰

悲哉秋風搖落變衰魂兮遠矣何去何依望思  
無望歸來不歸未達東門之意空懼西河之幾

在昔金陵天下喪亂王室板蕩生民塗炭兄弟  
則五郡分張父子則三州離散地鼎沸於袁曹  
人豺狼於楚漢或有擁樹罹災藏衣遭難未設  
業孤先空柘館人惟一丘亭遂千秋邊韶永恨  
孫楚長愁張武壯之心疾羊南城之淚流痛斯  
傳體尋茲世載天衢斯慈人倫此愛膝下龍摧  
掌中珠碎芝在室而先枯蘭生庭而蚤刈命之  
脩短哀哉已滿鶴聲孤絕猿唵腸斷羸博之間  
路似新安藤緘韉櫝掩虞棺不封不樹惟棘

惟樂天愴愴而無色雲蒼蒼而正寒况乃流寓  
秦川飄颻播遷從官非官歸田不田對玉關而  
羈旅坐長河而暮年已觸目於萬恨更傷心于  
九泉至於三虎二龍三珠兩鳳並有山澤之靈  
各入熊罷之夢望隴晉而不歸出都門而長送  
對寶盃而痛心撫玄經而流慟石華空服犀角  
虛簦風無少女草不宜男鳥毛徒覆獸乳空含  
震爲長男之宮巽爲長女之位在我生季先凋  
此地人生幾何百憂俱至二王奉佛二郗奉衡  
必至有期何能相保淒其零零颺焉秋草去矣  
黎民哀哉仲仁冀羊祐之前識期張衡之後身  
一朝風燭萬古埃塵丘陵兮何忍能留兮幾人

一時風飄萬古矣壘立刻今何處猶留今幾人  
紫丸寒若叶二冀羊頭之前端世幾濶之終良  
必至首既所銷味外爽其天奉靈馬煉草去突

廣開府集卷之二

周新野南信子山著

明閩漳張燮紹和纂

賦

小園賦

若夫一枝之上巢父得安巢之所一壺之中壺  
公有容身之地况乎管寧藜牀雖穿而可坐嵇  
康鍛竈既煥而堪眠豈必連闔洞房南陽樊重  
之第綠墀青瑣西漢王根之宅余有數畝弊廬

寂寞人外聊以擬伏臘聊以避風霜雖復曼嬰  
近市不求朝夕之利潘岳向城且適閒居之樂  
况乃黃鶴戒露非有意於輪軒爰居避風本無  
情於鐘鼓陸機則兄弟同居韓康則舅甥不別  
蝸角蚊睫又足相容者也爾乃窟室徘徊聊同  
鑿坯桐間露落柳下風來琴號珠桂書名玉栝  
有棠黎而無帶足酸棗而非臺猶得欹側八九  
丈縱橫數十步榆柳兩三行梨桃百餘樹揆蒙  
密兮見窓行欹斜兮得路蟬有翳兮不驚雉無

羅兮何懼草樹溷淆枝格相交山爲簣覆地有  
堂切藏狸並窟乳鵲重巢連珠細菌長柄寒匏  
可以療饑可以棲遲敝屣兮狹室穿漏兮茅茨  
簷直倚而妨帽戶平行而礙眉坐帳無鶴支牀  
有龜鳥多閑暇花隨四時心則歷陵枯木髮則  
睢陽亂絲非夏日而可畏異秋天而可悲一寸  
二寸之魚三竿兩竿之竹雲氣蔭於叢著金精  
養于蘊菊棗酸梨酢槐櫛李萸落葉半牀狂花  
滿屋名爲埜人之家是謂愚公之谷試偃息於

茂林迺久羨於抽簪雖有門而長閉寔無水而  
恒沉三春負鋤相識五月披裘見尋問葛洪之  
藥性訪京房之卜林草無忘憂之意花無長樂  
之心鳥何事而逐酒魚何情而聽琴加以寒暑  
異命乖違惠性崔駟以不樂年吳質以長愁  
養病鎮宅神以薶石厭山精而照鏡屢動莊舄  
之唵幾行魏顛之命薄晚閑閨老幼相携蓬頭  
王霸之子椎髻梁鴻之妻焦麥兩甕寒菜一畦  
風騷騷而樹急天慘慘而雲低聚空倉而雀噪  
驚懶嬾而蟬嘶昔草濫於吹噓藉文言之慶餘  
門有通息家承賜書或陪玄武之觀肯參鳳凰  
之墟觀受釐於宣室賦垂揚於直廬遂乃山崩  
川竭冰碎瓦裂大盜潛移長離永滅推直轡於  
三危碎平途於九折荆軻有寒水之悲蘇武有  
龜風之別關山則風月悽愴隴水則肝腸斷絕  
龜言此地之寒鶴訝今季之雪百靈兮倏忽菁  
華兮已晚不雪鴈門之躋先念鴻陸之遠非淮  
海兮可變非金丹兮能轉不暴骨於龍門終低

頭於馬坂諒天造兮昧昧嗟生民兮渾渾

春賦

宜春苑中春已歸披香殿裏作春衣新年鳥聲  
千種囀二月楊花滿路飛河陽一縣併是花金  
谷從來滿園樹一叢香草足礙人數尺遊絲卽  
橫路開上林而競入擁河橋而爭渡出麗華之  
金屋下飛燕之蘭宮釵朶多而訝重髻鬟高而  
畏風眉將柳而爭綠面共桃而競紅影來池裏  
花落衫中苔始綠而藏魚麥纔青而覆雉吹簫  
弄玉之臺鳴佩凌波之水移戚里而家富入新  
豐而酒美石榴聊泛蒲桃醖醅芙蓉玉盃蓮子  
金杯新芽竹笋細核楊梅綠珠捧琴至文君送  
酒來玉管初調鳴絃暫撫陽春淥水之曲對鳳  
迴鸞之舞更多笙簧還移箏柱月入歌扇花承  
節鼓協律都尉射雉中郎停車小苑連騎長楊  
金鞍始被柘弓新張拂塵看馬埒分朋入射堂  
馬是天池之龍種帶乃荆山之玉梁艷錦安天  
鹿新綾織鳳皇三日曲水向河津日晚河邊多

解神樹下流杯客沙頭渡水人鏤薄窄衫袖穿  
珠帖領巾百丈山頭日欲斜三晡未醉莫還家  
池中水影懸勝鏡屋裏衣香不如花

七夕賦

兔月先上羊燈次安覩牛星之曜景視織女之  
闌干於是秦娥麗妾趙豔佳人窈窕名燕逶迤  
姓秦嫌朝牀之半故憐晚飾之全新此時併捨  
房櫳共往庭中縷條繫而貫矩針鼻細而穿空

蕩子賦

蕩子辛苦逐征行直守長城千里城隴水恒冰  
合關山唯月明况復空牀起怨倡婦生離紗牕  
獨掩羅帳長垂新箏不弄長笛羞吹常年桂苑  
昔日蘭閨羅敷總髮弄玉初笄新歌子夜舊舞  
前溪別後關情無復情奩前明鏡不須明合歡  
無信寄迴紋織未成游塵滿牀不用拂細草橫  
階隨意生前日漢使著章臺聞道夫婿定應迴  
手巾還欲燥愁眉卽剝開逆想行人至迎前含  
笑來

竹杖賦

桓宣武平荊州外白有稱楚丘先生來詣門下  
宣武曰名父之子流離江漢孤之責矣及命引  
進乃曰噫子老矣鶴髮雞皮蓬頭歷齒迺是江  
漢英靈衡荆杞梓雖有聞於十室幸無求於千  
里寡人有銅環靈壽銀角桃枝開木瓜而未落  
養蓮花而不萎迎仙客於錦市送遊龍於葛陂  
先生將以養老將以扶危先生笑而言曰中國  
明於禮義闇於知人心之憂矣惟我生民雖復

踈條勁柘促節貞筠杖端刻鳥角首圖麟豈能  
相予此疾將予此身若乃世變市朝年移陵谷  
猿唵鷹厲風霜慘黷楚漢爭衡袁曹競逐獸食  
無草禽巢無木於昔無懼而慄不寒而戰胡馬  
哀唵羗笳悽轉親友離絕妻孥流轉玉關寄書  
章臺留劔寒關悽愴羈旅悲涼疏毛抵於矰繳  
脆骨被於風霜髮種種而逾短眉髟髟而競長  
是以憂幹扶踈悲條鬱結宿昔傲醜俄然耆耄  
變田鳳於承宮改陽文於馮茂潘岳秋興嵇生



倦遊桓譚不樂吳質長愁並皆年華未暮容貌  
先秋予此哀矣雖然有以非鬼非魅乃心憂矣  
未見從心先求順耳伯玉何嗟丘明惟恥拉虎  
狎熊余猶稚童觀形察貌子寔悲翁別有九棘  
龐眉三槐暮齒孔光讒病袁逢致仕吳濞不朝  
楊彪喪子明公此贈或非乖理先生乃歌曰龜  
藜促節白藿同心終堪荷祿自足驅禽一傳大  
夏空成鄧林

叩竹杖賦

沉冥子遊巴山之岑取竹於北陰嫵娟高節寂  
歷無心霜風色古露染班深每與龍鍾之族  
翳沉沉文不自殊質而見賞蘊諸鳴鳳之律制  
以成龍之杖拔條勁直璘斌色滋和疑輪人之  
不重待羽客以相貽青春欲暮白雲來遲謀於  
長者操以從之執末而獻無因自持諸蔗雖其  
不可以倚彼藜雖實不可以美未若處不材之  
間當有用之始魯分以爵漢錫以年昔尚爾齒  
今優我賢書橫几玉塵筵則函之以後拂之以

前爾其摘芳林沿行樂軒除間尊卑之垂悅隨  
上下之遊紆夫寄根江南森森幽潭傳節大夏  
悠悠廣野豈比夫接君堂上之履爲君座右之  
銘而得與綺紳瑤珮出芳房於蕙庭

象戲賦

觀夫造作權輿皇王厥初法凝陰於厚惠仰冲  
氣於清虛於是綠蔕旣開丹局直正理洞研幾  
原窮作聖若扣洪鐘如懸明鏡白鳳遙臨黃雲  
高映可以變俗移風可以涖官行政是以局取

諸乾仍圖上玄月輪新滿日暈初圓模羽林之  
華蓋寫明堂之璧泉坤以爲輿剛柔卷舒若方  
鏡而無影似空城而未居促成文之畫亡靈龜  
之圖馬麗千金之馬符明六甲之符於是摺笏  
當次依辰就席回地理于方畦轉天文于圓璧  
分荆山之美玉數藍田之珉石南行赤水之符  
北使玄山之策居東衛而龍青出西關而馬白  
旣舒玄象聊定金枰昭日月之光景乘風雲之  
性靈取四方之正色用五惠之相生從月建而

左轉起黃鍾而順行陰翻則顧兔先出陽變則  
靈鳥獨明况乃豫遊仁壽行樂徽音水影搖日  
花光照林乍披圖而久玩或開經而熟尋雖復  
成之於手終湏得之于心乃有龍燭銜花金鑪  
浮氣月落桂垂星斜柳墜猶豫樞機嫌疑涇渭  
顧望迴惑心情怖畏應對坎而衝離忽當申而  
取未

鏡賦

天河漸沒日輪將起鸞噪吳王鳥驚御史玉花

簾上金蓮帳裏始摺屏風新開戶扇朝光晃眼  
早風吹面臨桁下而牽衫就箱邊而着釧宿鬟  
尚捲殘粧已薄無復脣珠纔餘眉萼靨上星稀  
黃中月落鏡臺銀帶本出魏宮能橫却月巧挂  
迴風龍垂匣外鳳倚花中鏡迴照膽照心難逢  
難值鏤五色之蟠龍刻千年之古字山雞看而  
獨舞海鳥見而孤鳴臨水則池中月出照日則  
壁上菱生暫設裝奩還抽鏡屨競學生情爭憐  
今世鬢齊故略眉平猶剝飛花博子次第須安

朱開錦踰黛蘸油檀脂酥甲煎澤漬香蘭量髻  
鬢之長短度安花之相去懸媚子於搔頭拭釵  
梁于粉絮梳頭新罷照着衣還從粧處取將歸  
暫看絃繫懸知纈縵衫正身長裾斜假攢真成  
個鏡特相宜不能片時藏匣裏暫出園中也自  
隨

燈賦

九龍將暝三爵行棲瓊鈎半上弱木全低窻藏  
明於粉壁柳助暗於蘭閨翡翠珠被流蘇羽帳  
舒屈膝之屏風掩芙蓉之行障卷衣秦后之牀  
送枕荆臺之上乃有百枝同樹四照連盤香添  
然蜜氣雜燒蘭燼長宵久光青夜寒秀華掩映  
蛭膏照灼動鱗甲於鯨魚燄光芒於鳴鶴蛾飄  
則碎花亂下風起則流星細落况復上蘭深夜  
中山醕清楚妃畱客韓娥合聲低歌著節游絃  
絕鳴輝朱燼焰紅榮乍九光而連彩或雙花而  
並明寄言蘇季子應知餘照情

對燭賦

龍沙鴈塞甲應寒天山月漢客衣單燈前桁衣  
疑不亮月下穿針覺最難刺取燈花持挂燭還  
却燈檠下燭盤鑄鳳銜蓮圖龍並眠燼高疑數  
翦心濕暫難然銅荷承淚臘鐵缺染浮煙本知  
雪光能映紙復訝燈花今得錢蓮帳寒檠窻拂  
曙筠籠熏火香盈絮傍垂細溜上繞飛蛾光清  
寒入燄暗風過楚人纓脫盡燕君書誤多夜風  
吹香氣隨鬱金苑芙蓉池秦皇辟惡不足道漢  
武胡香何物竒晚星沒芳蕪歇還持照夜遊詎

減西園月

枯樹賦

殷仲文風流儒雅海內知名代異時移出爲東  
陽太守常忽忽不樂顧庭槐而歎曰此樹婆娑  
生意盡矣至如白鹿貞松青牛文梓根柢盤魄  
山崖表裏桂何事而銷亡桐何爲而半死昔之  
三河徙殖九畹移根開花建始之殿落實雕楊  
之園聲含嶰谷曲抱雲門將雛集鳳比翼巢鴛  
臨風亭而唳鶴對月峽而吟猿乃有拳曲擁腫

盤坳反覆熊彪顧盼魚龍起伏節豎山連文橫  
水感匠石驚眎公輸眩目雕鐫始就剖劂仍加  
平麟鏟甲落角摧牙重重碎錦片片真花紛披  
草樹散亂煙霞若夫松子古度平仲君遷森梢  
百頃槎枿千年秦則大夫受職漢則將軍坐焉  
莫不苔埋菌壓鳥剝蟲穿位垂於霜露撼頓于  
風烟東海有白木之廟西河有枯桑之社北陸  
以楊葉爲關南陵以梅根作冶小山則藜桂留  
人扶風則長松繫馬豈獨城臨細柳之上塞落  
桃林之下若乃山河阻絕飄零離別拔本垂淚  
傷根瀝血火入空心膏流斷筋橫洞口而歆卧  
頊山腰而半折文衰者合體俱碎理正者中心  
直裂戴癭銜瘡藏穿抱穴木魅賜睞山精妖孽  
况復風雲不感羈旅無歸未能採葛還成食薇  
沉淪窮巷蕪沒荆扉旣傷搖落彌嗟變衰淮南  
云木葉落長年悲斯之謂矣乃爲歌曰建章三  
月火黃河千里槎若非金谷滿園樹卽是河陽  
一縣花桓大司馬聞而嘆曰昔年移柳依依漢

南今看搖落悽愴江潭樹猶如此人何以堪

鴛鴦賦

虞姬小來事魏王自有歌聲足繞梁何曾織錦  
未肯挑桑終歸薄命著罷空牀見鴛鴦之相學  
還歎眼而淚落南陽漬粉不復看京兆新眉遂  
嬾約况復雙心並翼馴狎池籠浮波弄影刷羽  
乘風共飛簷几全開魏宮俱棲梓樹堪是韓馮  
若乃韓壽欲婚温嶠願婦玉臺不送胡香未有  
必見此之雙飛覺空牀之難守

虞開府集卷之三

周新野庾信子山著

明閩漳張爔紹和纂

樂府

周祀圜丘歌十二首

隋書樂志曰周閔帝受禪居位曰淺明  
帝雖革魏氏之樂而未臻雅正天和元  
年武帝初造山雲舞以備六代南北郊  
雩壇太廟禘祫俱用之六舞者大夏大  
濩大武正德武德山雲也於是正定  
雅音為郊廟樂宣帝嗣位皆循用之

昭夏

降神

重陽禮祀大報天丙午封壇肅且園孤竹之管  
雲和弦神光未樂府作來下風肅然王城七里通天  
臺紫微斜照影徘徊連珠合璧重光來天策整  
轉鈎陳開

皇夏皇帝入門

旌迴外境蹕靜郊門千乘按轡萬騎雲屯藉茅  
無咎掃地唯尊揖讓展禮衡璜節步星漢就列  
風雲相顧取法于天降其永祚

昭夏俎入

日至大禮豐犧上辰牲牢脩牧繭粟毛純俎豆  
斯立陶匏以陳大報反命居陽兆日六變鼓鐘  
三和琴瑟俎奇豆偶惟誠惟質

昭夏奠玉帛

員玉已奠蒼幣斯陳瑞形成象璧氣含春禮從  
天數智總圓神為祈為祀至敬咸遵

皇夏皇帝升壇

七里一作星是仰八陛有憑就陽之位如日之升  
思虔肅肅致敬繩繩祀史陳信玄象斯格惟類



之典唯靈之澤幽顯對揚人神咫尺

雲門舞 初獻

獻以誠鬱以清山壘舉沈齊傾惟尚饗洽皇情  
降景福通神明

雲門舞 初獻 配帝

長丘遠歷大電遙源弓藏高隴鼎沒寒門人生  
于祖物本于天奠神配德迄用康年

登歌 初獻及獻 配帝畢奏

歲之祥國之陽蒼靈敬翠雲長象為飾龍為章

乘長日坏蟄戶烈雲漢迎風雨六呂歌雲門舞

省滌濯奠牲牲鬱金酒鳳凰樽迴天瞻顧中原

皇夏 飲福 酒

國命在禮君命在天陳誠唯肅飲福唯虔洽斯  
百禮福以千年鈎陳掩映天駟徘徊彫禾飾竿  
翠羽承壘受斯茂祉從天之來

雍夏 撤奠

禮將畢樂將闌迴日轡動天關翠鳳搖和鸞響  
五雲飛三步上風為馭雷為車無轍迹有煙霞

廣開府集 卷三  
暢皇情休靈命雨留甘雲餘慶

皇夏 就望  
僚位

六典聯事九司咸則率由舊章于焉允塞掌禮  
移次燔柴在焉煙升玉帛氣歛牲牲休氣聲香

芳昭晰翼翼虔心明明上徹

皇夏 還便  
殿

玉帛禮畢神人事分嚴承乃瞻瞻仰迴雲輦路  
千門土城九軌式道移候司方迴指得一惟清  
于萬斯寧受茲景命于天告成

周祀方澤歌四首

方澤舞辭  
同圍丘

昭夏 降神

報功陰澤展禮玄郊平琮鎮瑞方鼎升庖調歌  
絲竹縮酒江茅聲舒鐘鼓器質陶匏列燿秀華  
凝芳都荔川澤茂祉丘陵容衛雲飾山壘蘭浮  
汎齊日至之禮歆茲大祭

昭夏 奠玉  
帛

曰若厚載欽明方澤敢以恭敬陳之玉帛德包  
含養功藏靈迹斯箱既于子孫則百

登歌

初獻

質明孝敬求陰順陽壇有四陛琮分八方牲牲  
蕩滌蕭合聲香和鑾戾止振鷺來翔威儀簡簡  
鐘鼓喤喤聲和孤竹韻入空桑封中雲氣坎上  
神光下元之主功深蓋藏

皇夏

望坎位

司筵撤席掌禮移次迴顧封壇恭臨坎位瘞玉  
埋俎藏芬歛氣是曰就幽成斯地意

周祀五帝歌十二首

皇夏

奠玉帛

嘉玉惟芳嘉幣惟量成形惟一作禮稟色隨方  
神班其次歲禮惟常威儀抑抑率由舊章

皇夏

初獻

惟令之月惟嘉之辰司壇宿設掌史誠陳敢用  
明禮言功上神鈎陳旦闢閭闔朝分旒垂象冕  
樂奏山雲將迴靈策蹇轉天文五運周環四時  
代序鱗次玉帛循迴樽俎神其降之介福斯許

青帝雲門舞

以下並初獻奏

庚子府集 卷三  
甲在日鳥中星禮東后奠蒼靈樹春旗命青史  
候鴈還東風起歌木德舞震宮泗濱石龍門桐  
孟之月陽之天億斯慶兆斯年

配帝舞

帝出于震蒼德于神其明在日其位居春勞以  
定國功以施人言從配祀近取諸身

赤帝雲門舞

招搖指午對南宮日月相會實沈中離光布政  
動溫風純陽之月樂炎精赤雀丹書飛送迎朱  
絃絳鼓罄虔誠萬物含養各長生

配帝舞

以炎爲政以火爲官位司南陸享配離壇三和  
實俎百味浮蘭神其茂豫天步艱難

黃帝雲門舞

三光儀表正四氣風雲同戊巳行初曆黃鐘始  
變宮平琮禮內鎮陰管奏司中齋壇芝曄曄清  
野桂馮馮夕牢芬六鼎安歌韻八風神光乃超  
忽嘉氣恒葱葱

配帝舞

四時咸一德五氣或同論猶吹鳳凰管尚對梧  
桐園器園居土厚位總配神尊始知今奏樂還  
用我雲門

白帝雲門舞

肅靈兌景承配秋壇雲高火落露白蟬寒帝律  
登年金精行令瑞獸霜耀祥禽雪映司藏肅殺  
萬寶咸宜厥田上上收功在斯

配帝舞

金行秋令白帝朱宣司正五雉歌肅九川執文  
之德對越彼天介以福祉君子萬年

黑帝雲門舞

北辰爲政玄壇北陸之祀員官宿設玄璜浴蘭  
坎德陰風御寒次律將迴窮紀微陽欲動細泉  
管猶調于陰竹聲未入于春絃待歸餘於送歷  
方履慶于斯年

配帝舞

地始坼虹始藏服玄玉居玄堂沐蕙氣浴蘭湯

匏器潔水泉香涉配彼福無疆君欣欣此樂康

周宗廟歌十二首

皇夏皇帝入廟門

肅肅清廟巘巘寢門歆罷防滿金人戒言應棟  
懸鼓崇牙樹羽階變升歌庭紛象舞閑安象設  
紘熙清奠春鮪初登新萍先薦儻然入室儼乎  
在位悽愴履之非寒之謂

昭夏降神

永維祖武潛慶靈長龍圖革命鳳曆歸昌功移  
上塲德耀中陽清廟肅肅猛簋煌煌曲高大夏  
聲和盛唐牲牲蕩滌蕭蕭合馨香和鑾戾止振鷺  
來翔永敷萬國是則四方

皇夏組入皇帝升階

年祥辨日上協龜言奉耐承列來庭駿奔雕禾  
飾竿翠羽承樽敬殫如此恭惟執燔

皇夏獻皇高祖

慶緒千重秀洪源萬里長無時猶戢翼有道故  
韜光盛德必有後仁義終克昌明星初肇慶大

電乂呈祥

皇夏

獻皇帝曾祖  
德皇帝

克昌光上烈基聖穆西藩崇仁高涉渭積德被  
居原帝圖張往迹王業茂前尊垂芬德陽廟疊  
慶壽陵園百靈光祖武千年福孝孫

皇夏

獻皇帝祖大  
祖文皇帝

雄圖屬天造宏略遇羣飛風雲猶聽命龍躍遂  
乘機百二當天險三分拒樂推函谷風塵散河  
陽氛霧晞濟弱淪風起扶危頽運歸地紐崩還  
正天樞落更追原祠乍超忽畢隴或綿微終封  
三尺劔長卷一戎衣

皇夏

獻文宣  
皇太后

月靈興慶沙祥發源功參禹迹德贊堯門言容  
典禮禴狄徽章儀形溫德令問昭陽日月不居  
歲時晚晚瑞雲纏心闕宮惟遠

皇夏

獻閔  
皇帝

龍圖基代德天步屬艱難謳歌還受瑞揖讓乃  
登壇升輿芒刺重入位據關寒卷舒雲汎濫游

揚日浸微出鄭終無反居桐竟不歸祀夏今惟  
舊尊霸謚更追

皇夏 獻明  
皇帝

若水逢降君窮桑屬惟政不哉馭帝錄鬱矣當  
天命方定五雲官先齊八風令文昌氣似珠太  
史河如鏡南宮學未開東觀書還聚文辭金石  
韻毫翰風颺豎清室桂馮馮齊房芝詡詡寧思  
玉管笛空見靈衣舞

皇夏 獻高祖  
武皇帝

南河吐雲氣北斗降星辰百靈咸仰德千年一  
聖人書成紫微動律定鳳凰馴六軍命西土甲  
子陳東隣戎衣此一定萬里更無塵煙雲同五  
色日月並重輪流沙既西靜蟠木又東臣凱樂  
聞朱鴈饒歌見白麟今為六代祀還得九疑賓

皇夏 飲福  
酒

禮殫裸獻樂極休成長離前按宗祀文明縮酌  
浮蘭澄壘合鬯罄折禮容旋迴靈貺受釐撤俎  
飲福移樽惟光惟烈文子文孫



皇夏

還便殿

庭闕四始筵終三薦顧步堦墀徘徊餘奠六龍  
矯首七萃警途鼓移行漏風轉相鳥翼翼從事  
綿綿四時惟神降嘏永言保之

周大祫歌二首

昭夏

降神

律在夾鍾服居蒼袞杳杳清思綿綿長遠就祭  
于合班神于本來庭有序助祭有章樂舞六代  
賓歌二王和鈴以節儵革斯鏘齊宮饌玉鬱粦

浮金洞庭鐘鼓龍門瑟琴其樂已變惟神是臨

登歌

奠玉帛○餘同宗廟時享

神惟顯思不言而令玉帛之禮敢陳莊敬奉如  
弗勝薦如受命交于神明慤于言行

周五聲調曲二十四首

序曰元正饗會大禮賓至食舉稱觴薦玉六  
律既從八風斯暢以歌大業以舞成功

宮調曲五首

氣離清濁割元開天地分三才初辨正六位始

成文繼天爰立長安民乃樹君其明廣如日其  
澤厚如雲惟昔我文祖撥亂拒謳歌三分未撫  
運八百不陵河禮敷天下信樂正神人和風塵  
行息警江海欲無波

我皇承下武革命在君臨應圖當舜玉嗣德受  
堯琴沈首多推運陽城有讓心就日先知遠觀  
淵早見深玄精實委御蒼正乃皆平履端朝萬  
國年祥慶白靈玉帛咸觀禮華戎各在庭鳳響  
中夷則天文正玉衡皇基自天保萬物乃由

真

握衡平地紀觀象正天樞祺祥鍾赤縣靈瑞炳  
皇都更受昭華玉還披蘭葉圖金波來白兔弱  
木下蒼烏玉斗調元協金沙富國租青丘還擾  
圃丹穴更巢梧安樂新城慶長生百福符  
明明九族序穆穆四門賓陰陵朝北附蟠木引  
東臣澗途求版築溪源取釣綸多士歸賢戚維  
城屬茂親貴位連南斗高榮據北辰迎時乃推  
策司職且班神日月之所照霜露之所均永從  
文軌一長無外戶人

夔盤舒棟宇崢嶸侔大壯拱木詔林衡全模徵  
梓匠千櫨綺翼浮百拱長虹抗北去邯鄲道南  
來偃師望龍首載文櫬雲楣承武帳居者非求  
隘卑宮豈難尚壯麗天下觀是以從蕭相

變宮調二首

帝遊光出震君明擅在離巖廊惟眷顧欽若尚  
無爲龍穴非難附鸞巢欲可窺具茨應不遠汾  
陽寧足隨烝民播植重溝洫劬勞多桑林還注  
雨積石遂開河明徵逢永命平秩值年和更有

薰風曲方聞晨露歌

移風廣軒曆崇德盛唐年成文興大雅出豫勃  
鈞天黃鐘六律正閭闔八風宣孤竹調陽管空  
桑節雅弦舞林鸞更下歌山鳳欲前闡音能辨  
俗聽曲乃思賢感物觀治亂心恒防未然君子  
得其道太平何有焉

商調曲四首

君以宮唱寬大而謨明臣以商應闡義則可行  
有熊爲政訪道于容成殷湯受命委任于阿衡

忠其敬事有罪不逃刑誦其箴諫言之無隱情  
有剛有斷四方可以寧旣頌旣雅天下乃升平  
專精一致金石爲之開動其兩心妻子恩情乖  
苟利社稷無有不盡懷昊天降祐元首唯康哉  
百川俱會大海所以深羣材旣聚故能成鄧林  
猛虎在山百獸莫敢侵忠臣處國天下無異心  
昔我文祖執心且危慮驅剪豺狼經營此天步  
今我受命又無敢逸豫惟爾弼諧各可知兢  
禮樂旣正神人所以和玉帛有序志欲靜于戈懼

各分符瑞俱誓裂山河今日相樂對酒且當歌  
道德以喻聽撞鐘之聲神姦不若觀鑄鼎之形  
鄴宮旣朝諸侯于是穆岐陽或狩淮夷自此平  
若涉大川言憑于舟楫如和鼎實有寄于鹽梅  
君臣一體可以靜氛埃得人則治何世無奇  
風力是舉而台階序平重黎旣登而天地位成  
功無與讓銘太常之旌世不失職受駢毛之盟  
輯瑞班瑞穆穆于堯門惟翰惟屏膺膺于周原  
功成而治定禮樂斯存復子而明辟姬旦何言

角調曲二首

止戈見于絕轡之野稱伐聞于丹塗之征信義  
俱存乃先忌食五材並用誰能去兵雖聖人之  
大寶曰位實天地之大德曰生涇渭同流清濁  
異能琴瑟並御雅鄭殊聲擾擾烝人聲教不一  
茫茫禹跡車軌未并志在四海而尚恭儉心包  
宇宙而無驕盈言而無文行之不遠義而無立  
勤則無成惻隱其心訓以慈惠流宥其過哀矜  
典刑

匡贊之士或從漁釣雲雨之才乍嘆困谷尋芳  
者追深徑之蘭識韻者探一作窮山之竹克明  
其德貢以三事樹之風聲言于九牧協用五紀  
風若從事農用八政甘作其穀殊風共軌見之  
周南異畝同穎聞之康叔祁寒暑雨是無胥怨  
天覆雲油滋焉滌漉幸無謝上古之淳人庶可  
以封之于比屋

徵調曲六首

乾坤以含養覆載日月以貞明照臨達人以四

海爲務明君以百姓爲心水波蘭者源必遠樹  
扶疎者根必深雲雨取施無不洽廊廟求才多  
所任

淳風布政常無欲至道防人能變俗求仁義急  
于水火用禮讓多于菽粟屈軼無佞人可指獬  
豸無繁刑可觸王道蕩蕩用無爲天下四人誰  
不足

聖人千言始一生黃河千年始一清攝提以之  
而從紀玉燭于是而文明東南可以補地闕西  
北可以正天傾浮龜則東海可厲運鍾則南山  
可平衆仙就朝于瑤水羣帝受享于明庭懷和  
則韎任並奉功烈則鐘鼎俱銘

三光以記物成形四時以裁成正位雷風大山  
岳之響寒暑通陰陽之氣武功則六合攸同文  
教則二儀經緯有道則咸浴其德好生則各繁  
其類白日經天中則移明月橫漢滿而虧能虧  
能缺旣無爲雖盈雖滿則不危開信義以爲苑  
園立道德以爲城池周監二代所捐益郁郁乎

文其可知庖犧之親臨佃漁神農之躬秉耕稼  
湯則救旱而憂勤禹則正冠而無暇草上之風  
無不偃君子之畔知可化將欲比德于三皇未  
始追踪于五霸

纖纖不絕林薄成涓涓不止江河生事之毫髮  
無謂輕慮遠防微乃不傾雲官乃垂拱大君鳳  
曆唯欽明元首類上帝而禋六宗望山川而朝  
羣后地鏡則山澤俱開河圖則魚龍合負我之  
天網莫不該閭闔九關天門開卿相則風雲玄  
感匡贊則星辰下來旣興周室之二聖乃舉唐  
朝之八才莘臣參謀于左相天老教政于中台  
其宜作則于明哲故無崇信于姦回

正陽和氣萬類繁君王道合天地尊黎人耕植  
于義圃君子翱翔于禮園落其實者思其樹飲  
其流者懷其源咎繇爲謀不仁遠士會爲政羣  
盜奔克寬則昆蟲內向彰信則殊俗宅心浮橋  
有月支抱馬上苑有烏孫學琴赤玉則南海輸  
賚白環則西山獻琛無勞鑿空于大夏不待蹶

角于蹠林

羽調曲五首

樹君所以牧人立法所以靜亂首惡旣其南巢  
元兇于是北竄居休氣而四塞在光華而兩旦  
是以雨施作解是以風行唯渙周之文武洪基  
光宅天下文思千載克聖咸熙七百在我應期  
實昊天有成命惟四方其訓之

運平後親之俗時亂先踈之雄踰桂林而驅象  
濟弱水而承鴻旣浮于呂之氣還吹八律之風  
錢則都內貫朽倉則常平粟紅火中乃寒乃暑  
年和一風一雨聽鐘磬念封疆聞笙竽思蓄聚  
瑤琨篠簜旣從恠石鉛松卽序長樂善馬成廐  
水衡黃金爲府

百川乃宗巨海衆星是仰北辰九州攸同禹跡  
四海合德堯臣朝陽栖于鳴鳳靈時牧于般麟  
雲玉葉而五色月金波而兩輪涼風迎時北狩  
小暑戒節南巡山無藏于紫玉地不愛于黃銀  
雖南征而北怨實西略而東賓旣永清于四海



終有慶于一人

定律零陵玉管調鐘始平銅尺龍門之下孤桐  
泗水之濱鳴石河靈于是讓珪山精所以奉璧  
滌九川而賦稅乘三危而納錫北里之禾六穗  
江淮之茅三脊可以玉檢封禪可以金繩探冊  
終永保于鴻名足揚光于載籍

太上之有立德其次之謂立言樹善滋于務本  
除惡窮于塞源冲深其智則厚昭明其道乃尊  
仁義之財不匱忠信之禮無繁動天無有不屈  
唯時無幽不徹作德心逸日休作偽心勞日拙  
自非剛克掩義無所離于勦絕

自非國京琳美無所適于燥  
却執無幽不始於意心非日不非謝心勞日處

庾開府集卷之四

周新野庾信子山著

明閩漳張燮紹和纂

樂府

對酒歌

以下五言 ○ 文苑  
英華作范雲非

春水望桃花春洲藉芳杜琴從一作隨綠珠借酒

就文君取牽馬向渭橋日曝一作落山頭脯山簡

接羅倒王戎如意舞箏鳴金谷園笛韻平陽塢  
人生一百年歡笑惟三五何處覓錢刀求為洛

陽賈

昭君辭應詔

歛眉光祿塞。還望夫人城。片片紅顏落。雙雙淚  
眼生。冰河牽馬渡。雪路抱鞍行。胡風入骨冷。夜  
月照心明。方調琴上曲。變入一作胡笳聲。

王昭君

拭啼辭戚里。回顧望昭陽。鏡失菱花影。釵除却  
月梁。圍腰無一尺。垂淚有千行。綠衫承馬汗。紅  
袖拂秋霜。別曲真多恨。哀絃須更張。

出自薊北門行

薊門還北望。役役盡傷情。關山連漢月。隴水向  
秦城。笳寒蘆葉脆。弓凍紵弦鳴。梅林能止渴。複  
姓可防兵。將軍朝挑戰。都護夜巡營。燕山猶有  
石。須勒幾人名。

結客少年場行

結客少年場。春風滿路香。歌撩李都尉。果擲潘  
河陽。隔花遙勸酒。就水更移牀。今年喜夫婿。新  
拜羽林郎。定知劉碧玉。偷嫁汝南王。

道士步虛詞十首

渾成空教立元始正圖開赤玉靈文下朱陵真  
 氣來中天九龍館倒景八風臺雲度弦歌響星  
 移空殿迴青衣上少室童子向蓬萊逍遙聞四  
 會倏忽度三災

無名萬物始有道百靈初寂絕乘丹氣玄明上  
 玉虛三元隨建節八景逐迴輿赤鳳來銜璽青  
 鳥入獻書壞机仍成机枯魚還作魚栖心浴日  
 館行樂止雲墟

凝真天地表絕想

一作相

寂寥前有象猶虛豁忘

形本自然開經壬子世值道甲申年迴雲隨舞  
 曲流水逐歌絃石髓香如飯芝房脆似蓮停鸞  
 讌瑤水歸路上鴻天

道生乃太乙守靜卽玄根中和煉九氣甲子謝  
 三元居心受善水教學重香園鳧鴈報關吏鶴  
 去畫城門更以忻無迹還來寄絕言

洞靈尊上德虞石會明真要妙思玄化虛無養  
 谷神丹丘乘翠鳳玄圃御斑麟移藜付苑吏種

杏乞山人自此逢何世從今復幾春海無三尺  
水山成數寸塵

東明九芝蓋北燭五雲車飄飄入倒景出沒上

烟霞春泉下玉雷青鳥向金華漢帝看桃核齊

侯問棗花上元應送酒來向蔡經家石刻云應逐上元酒

同來訪蔡家○陝西藩司有石刻書書此及北關臨玄水二首字畫奇勁或出庾公筆也題云

謝靈運書乃後人妄擬爾

歸心遊太極迴向入無名五香芬紫府千燈照

赤城鳳林探珠寶龍山種玉榮夏簧三舌響一作

夏笛三山春鐘九乳鳴絳河應遠別黃鶴來相迎

北闕臨玄水南宮生絳雲龍泥印玉策大火煉

真文上元風雨散中天歌吹分靈駕千尋上空

香萬里聞

地境塔基遠天牕影迹深碧玉成雙樹空青爲

一林鵠巢堪煉石蜂房得煮金漢武多驕慢淮

南不小心蓬萊入海底何處可追尋

麟洲一海濶玄圃半天高浮丘迎子晉若士避

盧敖經餐林慮李舊食綏山桃成丹瀕竹節刻

隨用蘆刀無妨隱士去卽是賢人迹

### 烏夜啼

桂樹懸知遠風竿詎肯低獨憐明月夜孤飛猶  
未酒虎賁誰見惜御史詎相携誰言入絃管終  
是曲中啼

### 怨歌行

以下  
六言

家住金陵縣前嫁得長安少年回頭望鄉淚落  
不知何處天邊胡塵幾日應盡漢月何時更圓  
爲君能歌此曲不覺心隨斷弦

### 舞媚娘

朝來戶前照鏡含笑盈盈自看眉心濃黛直點  
額角輕黃細安秬疑落花漫去復道春風不還  
少年唯有歡樂飲酒那得畱殘

### 烏夜啼

以下  
七言

促柱繁絃非子夜歌聲舞態異前溪御史府中  
何處宿洛陽城頭那得棲彈琴蜀郡卓家女織  
錦秦川竇氏妻詎不自驚長淚落到頭啼烏恒  
夜啼

燕歌行

代北雲氣畫昏昏。千里飛蓬無復根。寒鴈噦噦  
渡遼水。桑葉紛紛落薊門。晉陽山頭無箭竹。踈  
勒城中走水源。屬國征戍久離居。陽關音信絕  
能踈。願得魯連飛一箭。持寄思歸燕。將書渡遼  
本自有將軍。寒風蕭蕭生水紋。妾驚其泉足烽  
火。君訝漁陽少一作多障雲。自從將軍出細柳。蕩  
子空牀難獨守。盤龍明鏡餉秦嘉。辟惡生香寄  
韓壽。春分燕來能幾日。二月蠶眠不復久。玉臺作不

龍食洛陽遊絲百丈連。黃河春水千片穿。桃花顏  
色好如馬榆筴。新開巧似錢蒲桃。一杯千日醉  
無事。九轉學神仙。定取金丹作幾服。能令華表  
得千年。

楊柳歌

河邊楊柳百丈枝。別有長條踈地垂。河水衝激  
根株危。倏忽河中風浪吹。可憐巢裡鳳凰兒。無  
故當年生別離。流槎一去上天池。織女支機當  
一作將見隨。誰言從來廕數國。直用東南一小枝。

昔日公子出南皮。何處相尋玄武陂。駿馬翩翩  
西北馳。左右彎弧仰月支。連錢障泥渡水騎。白  
玉手板落盤螭。君言丈夫無意氣。試問燕山那  
得碑。鳳凰新管簫史吹。朱鳥春窻玉女窺。銜雲  
酒盃赤瑪瑙。照日食螺紫琉璃。百年霜露奄離  
披。一旦功名不可爲。定是懷王作計誤。無事翻  
覆用張儀。不如飲酒高陽池。日暮歸時倒接羅。  
武昌城下誰見移。官渡營前那可得。一作知獨憶  
飛絮鵝毛下。非復青絲馬尾垂。欲與梅花留一

曲共將長笛管中吹。

詩

奉和泛江

藝文作王臺卿  
非。以下五言

春江下白帝。畫舸向黃牛。錦纜回沙磧。蘭橈避  
荻洲。濕花隨水泛。空巢逐樹流。建平船柁下。荆  
門戰艦浮。岸社多喬木。一作山城足迴樓。日落  
江風靜。龍吟迴上遊。

奉和山池

樂宮多暇豫。望苑暫迴輿。鳴笳陵絕浪。飛蓋歷



通渠桂亭花未落桐門葉半踈荷風驚浴鳥橋  
影聚行魚日落含山氣雲歸帶雨餘

簡文帝山池附

日暮芙蓉水聊登鳴鶴舟飛鱸飾羽萑長幔  
覆緹油停輿依柳息住蓋影空留古樹橫臨  
沼新藤上挂樓魚遊向閣集戲鳥逗楂流

陪駕幸終南山和宇文內史

玉山乘四載瑤池宴八龍龜橋浮少海鵠蓋上  
中峯飛狐橫塞路白馬當河衝水奠三川石山  
封五樹松長虹雙瀑布圓闕兩芙蓉戍樓鳴夕  
鼓山寺響晨鐘新蒲節轉促短筍籜猶重樹宿  
含櫻鳥花留驥蜜蜂迎風下列缺灑酒召昌容  
且欣陪北上方欲待東封

宇文昶陪駕幸終南山附

堯蓋臨河潁漢蹕踐華嵩日旂迴北鳳星旆  
轉南鴻青雲過宣曲先驅背射熊金桴拂泉  
底玉琯吹雲中古轍稱難極新途或易窮烟  
生山欲盡潭淨水恒空交松上連霧修竹下

來風仙才道無別靈氣法能同東棗盃朝座  
西桃猷夜宮詔令王子晉出對浮丘公

和宇文內史春日遊山

遊客值春輝金鞍上翠微風送花迎面山深雲  
濕衣鴈持一足倚猿將兩臂飛戍樓侵嶺路山  
村落獵圍道士封君達仙人丁令威煮丹於此  
地居然未肯歸

遊山

一作遊仙

聊登玄圃殿更上增城山不知高幾里低頭看  
世間唱歌雲欲聚彈琴鶴欲舞淵底百重花山  
根一片雨婉婉藤倒垂亭亭松直豎

和宇文京兆遊田

小苑禁門開長楊獵客來懸知畫眉罷走馬向  
章臺澗寒泉反縮山晴雲倒回熊饑自舐掌鴈  
驚獨銜枚美酒餘杭醉

一作至

芙蓉卽奉杯

奉報寄洛州

舟師會孟津甲子陣東隣雷轅驚戰鼓劍室動  
金神幕府風雲氣軍門關塞人長旂析鳥羽合

甲抱犀麟星芒一丈燄月暈七重輪黎陽水稍  
淶官渡柳應春無庸奉天睽驅傳牧南秦繁詞  
勞簡牘雜俗弊風塵上洛逢都尉商山見逸民  
留滯終南下唯當一史臣

奉報窮秋寄隱士

詩彙作王  
褒詩非

王倪逢嚙缺桀溺偶長沮藜床負日卧麥隴帶  
經鋤自然山木几無名科斗書聚花聊飼雀穿  
池試養魚小村治澁路低田補壞渠秋水牽沙  
落寒藤抱樹踈空在平原騎來過仲蔚廬

上益州上柱國趙王二首

銅梁影棠樹石鏡寫褰帷兩江如瀆錦雙峰似  
畫眉穿荷低晚葢衰柳掛殘絲風流盛儒雅泉  
湧富文詞無因同子淑暫得侍臨淄  
寂寞歲陰窮蒼茫雲貌同鶴毛飄亂雪車轂轉  
飛蓬鴈歸知向暖鳥巢解背風寒沙兩岸白獵  
火一山紅願想懸鶉弊肯嗟陋巷空

謹贈司寇淮南公

危邦久亂德天策始乘機九河聞誓衆千里見

連旂號亡垂棘返齊平寶鼎歸久弊風塵俗殊  
勞關塞衣絆驥還千里垂鵬更九飛猶憐馬齒  
進應念節旄稀廻軒入故里園柳始依依舊竹  
侵行徑新桐益幾圍寒谷梨應重秋林栗更肥  
美酒還參聖雕文本入微促歌迎趙瑟遊絃召  
楚妃小人司刺舉明敷一作實濫吹南部治都  
尉軍謀假建威商山隱士石一作丹水鳳凰磯  
野亭長被馬山城早掩扉傳呼擁絳節交戟映  
彤闈遂令忘楚操何但食周薇三十六水變四

十九條非丹竈風烟歇年齡蒲柳衰同僚敢不  
盡疇日懼難追

正旦上司憲府

詰旦啓門闌繁辭湧筆端蒼鷹下獄吏獬豸飾  
刑官司朝引玉節盟載捧珠盤窮紀星移次歸  
餘律未殫雪高二尺厚冰深一丈寒短笋猶埋  
竹香心未起欄孟門久失路扶搖忽上搏栖鳥  
還得府棄馬復歸欄榮華名義重虛薄報恩難  
枚乘還起疾貢禹遂彈冠方垂蓮葉劍未用竹

根冊一知懸象法誰思重釣竿

任洛州酬薛文學見贈別

子居河之曲英彥本連蹤鹽形成變虎鼎氣乍  
成龍若人承載德宮墻定數重五衢開辯路四  
照起文烽曰余濫推轂民願始天從上洛分都  
尉弘農開附庸羊腸連九阪熊耳對雙峰白石  
仙人芋青林隱士松北梁送孫楚西堤別葛龔  
故人倘書札黎陽土足封

將命至鄴

大國脩聘禮親隣自此敦張旌事原隰負辰報  
成言西過犯風露北指度轅轅交歡值公子展  
禮覲王孫何以譽嘉樹徒欣賦采繁四牢盈折  
俎三獻滿壘樽人臣無境外何由欣此言風俗  
旣殊阻山河不復論無因旅南館空欲祭西門  
眷然惟此別夙期幸共存

將命至鄴酬祖正員

我皇臨九有聲教洎無隄興文盛禮樂偃武息  
氓黎承乏驅騏驥旌旗事琬珪古碑文字盡荒

誠年代迷被隴文瓜熟交塍香穗低投瓊實有  
慰報李更無蹊

入彭城館

襄君前建國項氏昔稜威鷓飛傷楚戰雞鳴悲  
漢園年一作世代殊氓俗風雲更盛衰水流浮磬  
動山喧雙翟飛夏餘花欲盡秋近鷺將稀槐庭  
垂綠穗蓮浦落紅衣徒知日云暮不見舞雩歸

同州還

赤岸繞新村青城臨綺門范睢新入相穰侯始  
出蕃上林催獵響河橋爭渡喧窰雉飛橫澗藏  
狐入斷原將軍高宴晚來過青竹園

從駕觀講武

校戰出長楊兵欄入闔塲置陣橫雲起開營鴈  
翼張門嫌磁石礙馬畏鐵菱傷龍淵觸牛斗繁  
弱駭天狼落星奔驥馭浮雲上驪驪急風吹戰  
鼓高塵擁貝裝駭猿時落木驚鴻屢斷行樹寒  
條更直山枯菊轉芳豹略推全勝龍圖揖所長  
小臣欣寓日還知奉會昌

奉報趙王出師在道賜詩

上將出東平先定下江兵彎一作弓伏石動振

鼓沸沙鳴橫海將軍號長風駿馬名雨歇殘虹

斷雲歸一鴈征暗巖朝石濕空山夜火明低橋

澗底渡狹路花中行錦車同建節魚軒異泊營

軍中女子氣塞外夫人城小人乖攝養岐路阻

逢迎幾月芝田熟何年金龜成哀笳關塞曲嘶

馬別離聲王子身爲寶深思不倚衡

和趙王送峽中軍

樓船聊習戰白羽試撝軍山城對却月岸陣抵

平雲赤虵懸弩影流星抱劔文胡笳遙驚夜塞

馬暗嘶羣客行明月峽猿聲不可聞

奉和趙王途中五韻

藝文云王褒作舊集載此疑誤收也

飄飄映車幕出沒望連旗度雲還翊陣迴風卽

送師峽路沙如月山峰石似眉村桃拂紅粉岸

柳被青絲錦城遙可望迴鞍念此時

侍從徐國公殿下軍行

八風占陣氣六甲侯兵韜置府仍張幕麾軍卽

乘旄長旗臨廣武烽火照成臯  
巡寒重挾纊酌水勝單醪  
陣後雲逾直兵深星轉高  
電燄驅龍馬山精鏤寶刀  
塞迥翻榆葉關寒落鴈毛  
旣得從神武何須念久勞

同盧記室從軍

樂府作從軍行

河圖論陣氣金匱辨星文  
地中鳴鼓角天上下將軍  
函犀恒七屬絡鐵本千羣  
飛梯聊度絳合弩暫凌汾  
寇陣先中斷妖營卽兩分  
連烽對嶺度嘶馬隔河聞  
箭飛如疾雨城崩似壞雲  
英王於此戰何用武安君

盧思道從軍行附

朔方烽火照甘泉長安飛將出  
祈連犀渠玉劍良家子白馬金鞍俠  
少年平明偃月屯右地薄暮魚麗逐  
左賢谷中石虎經銜箭山上金人曾  
祭天天涯一去無窮已薊門迢遞三  
千里朝見馬嶺黃沙合夕望龍城陣  
雲起庭中竒樹已堪攀塞外征人殊  
未還白雪初下天山外浮雲直上五  
原間關山萬里不可越



誰能坐對芳菲月流水本自斷人腸  
豎冰舊來傷馬骨邊庭節物與華異  
冬霰秋霜春不歇長風蕭蕭渡水來  
歸鴈連連映天沒從軍行軍行萬里  
出龍庭單于渭橋今已拜將軍何處  
覓功名

伏聞遊獵

虞旗喜日晴獵馬向山橫石關魚貫  
上山梁鴈翅行雪平尋兔跡林藜聽  
雉聲馬嘶山谷響弓寒桑柘鳴聞弦  
鳥自落望火獸空驚無風樹卽正不凍  
水還平誰知茂陵下願入睢陽城

見征客始還遇獵

貳師新受詔長平正凱歸猶言乘戰  
馬未得解戎衣上林遇逐獵宜春整  
合圍漢帝熊猶憤秦王雉更飛故人  
迎借問念舊始依依河邊一片石不  
復肯支機

奉和闡弘二教應詔

五明教已設三元法復開魚山將鶴  
嶺清梵兩邊來香煙聚爲塔花雨積  
成臺空心論佛性貞

氣辨仙才露盤高掌滴風鳥平翅迴無勞問一作  
訪待詔自識昆明灰

至老子廟應詔

虛無推馭辨寥廓本乘蜺三門臨苦縣九井對  
靈谿盛丹湏竹節量藥用刀圭石似臨邛芋芝  
如封禪泥氈毛新鵠小盤根古樹低野戍孤烟  
起春山百鳥啼路有三千別途經七聖迷一作  
行當別關吏直向流沙西

奉和趙王遊仙

藏山還採藥有道得從師京兆陳安世成都李  
意期玉京傳相鶴太乙授飛龜白石香新芋青  
泥美熟芝山精逢照鏡樵客值圍棋石紋如碎  
錦藤苗似亂絲蓬萊在何處漢后欲遙祠

奉和同泰寺浮圖

和梁簡文帝

峒峒凌太清照殿比東京長影臨雙闕高層出  
九城拱積行雲礙幡搖度鳥驚鳳飛如始泊蓮  
合似初生輪重對月滿鐸韻擬鸞聲畫水流全  
住圖雲色半輕行一作露晚盤猶滴珠朝火更明

雖連博望苑還接銀沙城  
天香下桂殿仙梵入  
伊笙度聞八解樂方遣六塵情

簡文帝望同泰寺浮圖附

遙看官佛圖帶壁復垂珠  
燭銀踰漢汝寶鐸  
邁昆吾日起光芒散風吟宮徵殊  
露落盤恒滿桐生鳳不雛  
飛幡雜晚虹畫鳥狎晨鳧梵  
世凌空下應真蔽景趨帝馬咸千轡  
天衣盡六銖意樂開長表多寶現金軀  
能令苦海渡復使慢山踰願能同四忍  
長當出九居

奉和法筵應詔

五城隣北極百雉壯西昆  
鈎陳橫複道閭闔拉  
靈軒千柱蓮花塔由旬紫緝圍  
佛影胡人記經文漢語翻星窺朱鳥  
牖雲宿鳳凰門新禽解雜  
轉春柳卧生根早雷驚蟄戶流雪長  
河源建始移交讓徽音種合昏風飛扇  
天辯泉湧屬絲言羈臣從散木無以預  
中天遙可望終類仰

鳴弦

和從駕登雲居寺塔

一作和趙王遊雲居寺

重巒千仞塔危磴九層臺石關恒逆上山梁乍  
斗廻堦下雲峰出窓前風洞開隔嶺鐘聲度中  
天梵響來平昔欣侍從於此蹙徘徊

和何儀同講竟述懷

無名卽講道有動定論機安經讓禮席正業理  
儒衣似得遊焉趣能同捨講歸石渠人少歇華  
陰市暫稀秋雲低晚氣短景側餘輝螢排亂草  
出鴈捨斷蘆飛別有平陵逕蕭條客鬢衰饑喫  
空倉雀寒驚嬾婦機實欣懷諛問逢君理入微

設音

小

奉和趙王隱士

洛陽徵五隱東都別二賢雲氣浮函谷星光集

潁川霸陵採樵路

一作徑

成都賣卜錢鹿裘披稍

裂藜牀坐欲穿阮籍唯長嘯嵇康訝一弦澗險  
無平石山深足細泉短松猶百尺少鶴已千年  
野鳥繁弦嘯山花焰火然洞風吹戶裏石乳滴  
窓前雖無亭長識終見野人傳

擬詠懷二十七首

步兵未飲酒中散未彈琴索索無真氣昏昏有

俗心涸鮒常思水驚飛一作每失林風雲能變

色松竹且悲吟由來不得意何必往長岑

赭衣居傅巖垂綸在渭川乘舟能上月飛幟欲

捫天誰知志不就空有直如弦洛陽蘇季子連

衡遂不連既無六國印翻思二頃田

俎豆非所習帷幄復無謀不言班定遠應爲萬

里侯燕客思遼水秦人望隴頭倡家遭強娉質

子值仍畱自憐才智盡空傷年鬢秋

楚材稱晉用秦臣卽趙冠離宮延子產羈旅接

陳完寓衛非所寓安齊獨未安雪泣悲去魯悽

然憶相韓唯彼窮途慟知余行路難

惟忠且惟孝爲子復爲臣一朝人事盡身名不

足親吳起嘗辭魏韓非遂入秦壯情已消歇雄

圖不復申移住華陰下終爲關外人

疇昔國士遇生平知己恩直言珠可吐寧知炭

可一作欲吞一顧重尺璧千金輕一言悲傷劉孺

子悽愴史皇孫無因同武騎歸守灞陵園

東坡詩集

榆關斷音信漢使絕經過胡笳落淚曲羌笛斷  
腸歌織腰減束素別淚損橫波恨心終不歇紅  
顏無復多枯木期填海青山望斷河

白馬向清波乘冰始渡河置兵須近水移營喜  
龜多長坂初垂翼鴻溝遂劄戈的顱於此去虞  
兮柰若何空營衛青塚徒聽田橫歌

北臨玄菟郡南戍朱鳶城共此無期別俱知萬  
里情昔嘗遊令尹今肯事客卿不特貧謝富安  
知死羨生懷秋獨悲此平生何謂平

悲歌度燕水弭節出陽關李陵從此去荆卿不  
復還故人形影滅音書兩俱絕遙看塞北雲懸

想關

一作天

山雪遊子河梁上應將蘇武別

搖落秋爲氣淒涼多怨情啼枯湘水竹哭壤杞  
梁城天亡遭憤戰日感值愁兵直虹朝映壘長  
星夜落營楚歌饒恨曲南風多死聲眼前一杯  
酒誰論身後名

周王逢鄭忿楚后值秦寃梯衝已鶴列冀馬忽  
雲屯武安檐瓦振昆陽猛獸奔流星夕照鏡烽

火夜燒原古獄饒冤氣空亭多枉魂天道或可  
問微芳不忍言

橫流邁屯慝上塤結重氛哭市聞妖獸顏山起  
恠雲綠林多散卒清波有敗軍智士今安用忠  
臣且未聞惜無萬金產東求滄海君

吉士長爲吉善人終日善大道忽云垂生民隨  
事蹇有情何可豁忘懷固難遣麟窮季氏豈虎  
振周王圈平生幾種意一旦衝風卷

六國始咆哮縱橫未定交欲競連城玉翻徵縮  
酒茅折骸猶換子登爨已懸巢壯冰初開地盲  
風正折膠輕雲飄馬足明月動弓弭楚師正圍  
鞏秦兵未下嶠始知千載內無復有申包

橫石三五片長松一兩株對君俗人眼真與理  
當無野老披荷葉家童掃粟跔竹林千戶封耳  
摘萬頭奴君見愚公谷真言此谷愚

日晚荒城上蒼茫餘落暉都護樓蘭返將軍踈  
勒歸馬有風塵氣人多關塞衣陣雲平不動秋  
蓬卷欲飛聞道樓船戰今年不解圍

尋思萬戶侯中夜忽然愁琴聲遍屋裏書卷滿  
牀頭雖言夢蝴蝶定自非莊周殘月如初月新  
秋似舊秋露泣連珠下螢飄碎火流樂天乃知  
命何肯能不憂

憤憤天公曉精神殊乏少一郡催曙雞數處驚  
眠爲其學乃于于其憂惟悄悄張儀稱行薄管  
仲稱罷小天下有情人居然性靈天

在死猶可忍爲辱豈不寬古人持此性遂有不  
能安其面雖可熱其心長自寒匣中取明鏡披

圖自照看幸無侵餓理差有犯兵欄擁節時驅  
傳乘亭不據鞍代郡逢初轉遼陽桑欲乾秋雲  
粉絮結白露水銀團一思探禹穴無用塵臯蘭

倏忽市朝變蒼茫人事非避讒應采葛忘情遂  
食薇懷愁正搖落中心愴有違獨憐生意盡空  
驚槐樹衰

日色臨平樂風光滿上蘭南國美人去東家棗  
樹完抱松傷別鶴向鏡絕孤鸞不言登隴首唯  
得望長安



鳳閣府集 卷四  
鬪麟能食日戰水定驚龍鼓鞞喧七萃風塵亂  
九重鼎湖去無返蒼梧悲不從徒勞銅雀妓遥  
望西陵松

無悶無不悶有待何可待昏昏如坐霧漫漫疑  
行海千年水未清一代人先改昔日東陵侯唯  
見瓜園在

懷抱獨昏昏平生何所論由來千種意併是桃  
花源穀皮兩書帙壺盧一酒樽自知費天下也  
復何足言

蕭條亭障遠悽慘風塵多關門臨白狄城影入  
黃河秋風別蘇武寒水送荆軻誰言氣蓋世晨  
起帳中歌

被甲陽雲臺重雲久未開雞鳴楚地盡鶴唳秦  
軍來羅梁猶下碯楊排久飛灰出門車軸折吾  
王不復回

翠來羅袂餘不語  
點林又紙双出門  
車轉林岳  
姪甲剔雲臺重雲  
又朱開綬則發  
謝盡歸知秦  
張邈中烟

黃瓜炸風恨藕  
為寒水送  
薛同  
道三  
雲盡  
出景  
蕭斜亭朝  
雲對  
對  
瓜  
熟  
多  
關  
川  
錦  
子  
人  
如  
錦  
人

嘉



程